



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 361. Usque Ad Annum 395

Fleury, Claude

August. Vind. [u.a.], 1758

VD18 90117786

§. 5. Procopii Seditio, & Fata.

[urn:nbn:de:hbz:466:1-66032](https://nbn-resolving.org/urn:nbn:de:hbz:466:1-66032)

trectantibus, Semi-Ariani, quæ a se de-Sæculum IV.
creta fuissent, ad omnes Ecclesias, trans- A. C. 365.
miserunt.

Haud difficulter prævidebant, Eudoxium Principem Proceresque in suas partes pertracturum, hinc ut ejus industriam prævenirent, Heracleæ Imperatorem Valentem accesserunt, ut ea, quæ Lampfaci egissent, edocerent; at sero omnia; quippe prior Eudoxius Valentis, & Purpuratorum animos occupaverat; itaque cum Legati Concilii Lampfacensis in Imperatoris conspectum admissi sunt, hortatus est, ut cum Eudoxio in pace viverent, dumque ipsi econtra causam suam tueri nituntur, dolo rem Constantinopoli actam fuisse, & malis artibus Decreta Seleucia conculcata queruntur; Imperator iracundia incitatus, in exilium eos misit, Ecclesiis Eudoxii Sectatoribus adscriptis.

§. V.

Procopii Seditio, & facta.

Hæc initia fuere persecutionis, qua Valens Imperator Semi-Arianos, & Catholicos afflixit; sed nascens odium bellum civile exortum contra Procopium distulit. Is erat Juliani propinquus, quem sibi successorem destinaverat, & Cæsarei funeris curam gesserat; ab eo tempore prope Calcedonem in domo rurali Eunonii

Sup. I. XV.

S. 44.

Philost. IX.

C. 5.

Q. s. mii

Sæculum IV. mii hæretici latuerat, inde Constantino-
A. C. 365. polim occulte veniens, cum Valens, qui

Idac. fast.

in Oriente agebat, abesset, atque Petro-
 nii Soceri ejus avaritia, & crudelitas sum-
 mum populi in absentem odium creasset,
 Imperatorem se proclamari jussit vigesi-
 ma octava Sept. hujus anni 365. Valens
 in Syriam exercitum duxerat, ut Persis,
 si datam fidem frangere vellent, prom-
 ptius resisteret, tuncque Cæsareæ in Cap-
 padocia substiterat; (*) accepto de Pro-
 copii seditione nuntio, sine mora rediit.
 Primo quidem fortuna Procopio favere
 videbatur, sed tandem in prælio, quod
 prope Nicoliam in Phrygia commissum
 est, a suis proditus, per devios saltus sa-
 lutem quæsit, a duobus deinde suarum
 copiarum tribunis e fuga retractus, in
 conspectu Valentis sistitur, cujus jussu ca-
 pite truncatus est 27. Maji anno 366
 seu sexto Calendas Junii. Gratiano ju-
 niore Valentiniani filio, & Dagalaifa Con-
 sulibus.

Am. XXVI.
c. 9.

Idac. fast.

Dum Valens in Oriente morabatur,
 a Philosopho Maximo, qui Julianum se-
 duxerat, suisque imposturis, & præstigiis
 quoad vixisset, deceperat, pœnas exegit;
 is etiam coram Valente Valentinianum
 accusavit, tanquam impietatis in Deos
 reum. Valens adduci Maximum, &
 Pris-

Zosim. l. IV.
p. 735.

(*) Hic Interpres plura habet, quam Fleurius
 & alia. Sed quid hoc?

Priscum iussit, sed iste ab omni crimine absolutus, & dimissus, in Græciam rediit. Contra Maximum populi clamor in Amphi-Theatris invaluit, multique Imperatorem rogabant, ne impunem relinqueret. Ad magnam pecuniæ vim reddendam multæ nomine damnatus est, nemo enim erat, qui non bonorum Reipublicæ prædonem crederet. Præter multam pecuniariam crudelibus quoque tormentis affectus, ut his se liberaret, uxori, tunc præsentī, mandavit, ut venenum emeret, optimum tantis malis remedium; illa marito obtemperans, poculum attulit, prior bibit, & extincta est. Maximus non bibit, nam eum tantis periculis Clearchus eripuit; is Proconsul Asiæ creatus est illo tempore, quo Procopius seditionem moverat, tuncque Imperatori Valenti feliciter persuasit, ut miserum Maximum, remissa etiam multæ parte, liberum dimitteret. Ita tunc quidem Maximus mortem evasit. Orbasus medicus alter Juliano olim familiarissimus, bonis exutus, & ad Barbaros relegatus est.

§. VI.

Valens Arianorum Patronus.

Bello civili sex mensibus confecto, brevi iterum Valens eos, qui diversas a suis in Religione opiniones tenebant, persequi

Sæculum IV.
A. C. 365.

*Eunap. in
Max. p. 98.*

*Lib. or. fun.
p. 327.*

*Eunap.
Orib. p. 173.*

*Soz. VI. c. 8.
Socr. IV. c. 6*